

**Redovna sjednica Skupštine Udruženja Original za 2024.godinu**

Predsjednik Skupštine Udruženja „ORIGINAL“ za ostvarivanje i zaštitu reprodukcijских prava, Budislav Vojinović sazvaо je redovnu sjednicu Skupštine Udruženja za 2024.godinu na dan 25.06.2024.godine u Sarajevu, sa početkom u 17:00 sati.

Skupština je održana u Sarajevu, u Muzeju književnosti i pozorišne umjetnosti BiH.

Predsjednik Skupštine pozdravlja prisutne i zahvaljuje se na dolasku. Konstatuje da ima kvorum, odnosno da učestvuje 40 redovnih članova/ica, te da se sjednica Skupštine može održati.

Za zapisničara je imenovana Alisa Hadžić, direktorica Stručne službe Udruženja Original.

Poziva Predsjednika Udruženja Gorana Simića da se obrati.

Goran Simić pozdravlja prisutne. Izražava zadovoljstvo radom Udruženja u proteklom periodu ističući sve izazove sa kojima se Original susretao u proteklih godinu dana.

Predsjednik Skupštine otvara prvu tačku Dnevnog reda.

**Ad.1. Skupština je jednoglasno usvojila Dnevni red.**

**Dnevni red:**

1. Usvajanje dnevnog reda, imenovanje zapisničara i ovjerivača
2. Odluka o kvorumu za održavanje sjednica Skupštine
3. Odluka o roku za raspodjelu i isplatu naknada
4. Odluka o izmjeni članova 18. i 52. Statuta Udruženja
5. Odluka o izmjeni članova 8. i 15. Poslovnika o radu Skupštine
6. Odluka o usvajanju revizorskih izvještaja za 2023.godinu
7. Predstavljanje Godišnjeg izvještaja Udruženja za 2023.godinu i odluka o usvajanju
8. Odluka o usvajanju troškova rada Udruženja za 2023.godinu
9. Odluka o korekciji Finansijskog plana za 2024.godinu
10. Odluka o usvajanju plana troškova za 2025.godinu
11. Odluka o usvajanju Finansijskog plana za 2025.godinu
12. Odluka o imenovanju Predsjednika Udruženja (mandatni period juni 2024- juni 2028)
13. Odluka o imenovanju Predsjednika Skupštine (mandatni period juni 2024- juni 2028)
14. Odluka o imenovanju članova Upravnog odbora (mandatni period juni 2024- juni 2028)
15. Odluka o imenovanju članova Nadzornog odbora (mandatni period juni 2024- juni 2028)
16. Odluka o izmjenama člana 25. Pravilnika o raspodjeli
17. Odluka o usvajanju Izvještaja o raspodjeli za periode 2018-2019 i 2020-2022
18. Odluka o usvajanju Plana raspodjele za 2023.godinu
19. Odluka o prijemu u članstvo novih članova po pristiglim Pristupnicama
20. Ostala pitanja.

**Ad.2. Odluka o kvorumu za održavanje sjednica Skupštine**

Damir Uzunović, predsjednik Upravnog odbora, navodi da zbog poteškoća sa okupljanjem dovoljnog broja članova za održavanje sjednica Skupštine, UO predlaže da se kvorum spusti sa više od polovine na 20% redovnih članova Udruženja. Ukoliko se utvrdi da ne postoji kvorum za održavanje sjednice, Predsjednik Skupštine saziva novu sjednicu u roku od 10 dana. Kvorum za novu sjednicu je 10% redovnih članova.

*Skupština je jednoglasno usvojila prijedlog o kvorumu za održavanje sjednica Skupštine.*

### **Ad.3. Odluka o roku za raspodjelu i isplatu naknada**

Damir Uzunović, predsjednik Upravnog odbora, ukazuje na potrebu izmjene roka za raspodjelu i isplatu. Obzirom da se sjednica Skupštine održava jednom godišnje, krajem juna, te da se na istoj usvaja Plan raspodjele za prethodnu godinu, Upravni odbor Udruženja predlaže da se u Statutu i Pravilniku o raspodjeli izmijeni odredba koja se odnosi na rok za raspodjelu i isplatu naknada i to tako da se rok mijenja sa 30.aprila na 31.decembar.

*Skupština je jednoglasno usvojila prijedlog o izmjeni roka za raspodjelu i isplatu naknada.*

### **Ad.4. Odluka o izmjeni članova 18. i 52. Statuta Udruženja**

Predsjednik Skupštine navodi da je Upravni odbor Udruženja podnio prijedlog za izmjenu članova 18. i 52. Statuta, a u skladu sa gore navedenim odlukama.

Član 18. Statuta Udruženja Original za ostvarivanje i zaštitu reprodukcijских prava broj: 05/17 od 22.06.2017.godine, mijenja se i glasi:

*„Skupština punovažno odlučuje kada sjednici prisustvuje 20% članova. Odluke i zaključci se donose većinom glasova članova koji prisustvuju sjednici, ukoliko Statutom nije predviđeno da se za donošenje određenih akata traži kvalifikovana većina. Ukoliko se utvrdi da ne postoji kvorum iz prethodnog stava, Predsjednik Skupštine zakazuje novu sjednicu Skupštine u roku od 10 dana. Kvorum za novu sjednicu Skupštine čini 10% članova Udruženja. Glasanje na sjednici je javno, izuzev ako Skupština na samoj sjednici ne utvrdi tajni način glasanja “.*

Član 52. Statuta Udruženja Original za ostvarivanje i zaštitu reprodukcijских prava broj: 05/17 od 22.06.2017.godine, mijenja se i glasi:

*„Udruženje obavlja obračun i isplate naknada nosiocima prava jednom godišnje i to do 31.decembra sljedeće godine za proteklu godinu. Prema potrebi, obračun i isplate se mogu obaviti i više puta u toku jedne godine što će biti predviđeno godišnjim planom raspodjele za svaku godinu“.*

Ostale odredbe Statuta ostaju nepromijenjene.

Predsjednik Skupštine poziva da se glasa o prijedlogu izmjene Statuta.

*Skupština je jednoglasno usvojila prijedlog izmjene članova 18. i 52. Statuta.*

*Predsjednik Skupštine nalaže Stručnoj službi da provede izmjenu Statuta.*

### **Ad.5. Odluka o izmjeni članova 8. i 15. Poslovnika o radu Skupštine**

Upravni odbor Udruženja je podnio prijedlog za izmjenu članova 8. i 15. Poslovnika o radu Skupštine. Briše se stav 4 člana 8.

Mijenja stav 1 člana 15. i glasi:

*„Skupština punovažno odlučuje kada sjednici prisustvuje 20% članova.“*

Stav 2 ostaje nepromijenjen.

Uvodi se stav 3 koji glasi:

*„Kvorum za ponovljenu sjednicu Skupštine čini 10% članova.“*

*Skupština je jednoglasno usvojila prijedlog izmjena Poslovnika o radu Skupštine.*

### **Ad.6. Odluka o usvajanju revizorskih izvještaja za 2023.godinu**

Revizorski izvještaji su urađeni u skladu sa odredbama Zakona o kolektivnom ostvarivanju autorskog i srodnih prava. Original je obavezan uraditi reviziju poslovanja za svaku godinu. Revizije su završene, a nalaz revizora o radu Udruženja Original za 2023.godinu je pozitivan. Rađene su dvije vrste revizije: revizija finansijskih izvještaja i revizija podudarnosti. Obje revizije su dostavljene članovima u materijalu za sjednicu Skupštine. Po nalogu UO, zatražene su 3 ponude za reviziju, u predviđenom roku su pristigle dvije ponude od kojih je odabrana (UO i NO) finansijski najpovoljnija ponuda koja je iznosila 2.925,00 KM. Reviziju je obavilo Društvo „nConsulting“ d.o.o. Sarajevo.

U skladu sa članom 19. Statuta, stavljaju se na usvajanje revizija finansijskog poslovanja i revizija podudarnosti uz napomenu da Skupština zasebno glasa za svaku pojedinačnu reviziju.

*Skupština je jednoglasno usvojila reviziju finansijskog poslovanja.*

*Skupština je jednoglasno usvojila reviziju podudarsnosti.*

*Predsjednik nalože da se obje revizije objave na zvaničnoj web stranici Udruženja.*

#### **Ad.7. Predstavljanje Godišnjeg izvještaja Udruženja Original za 2023.godinu i odluka o usvajanju**

Predsjednik Skupštine poziva predsjednika Upravnog odbora da predstavi izvještaj rada ovog organa.

- Damir Uzunović, predsjednik UO, izvještava da je u 2023.godini Upravni odbor održavao redovne mjesečne sjednice na kojima je donio 33 odluke iz oblasti svoje nadležnosti. Održano je 12 redovnih i jedna vanredna sjednica, onine, putem aplikacije Zoom. Također, Upravni odbor je radio na kreiranju prijedloga godišnje raspodjele. Stručna služba je uredno izvještavala Upravni odbor o poslovima iz svoje nadležnosti. Mjesečnim sastancima je prisustvovao i predsjednik NO, te su na taj način svi organi Udruženja informisani o tekućim aktivnostima, mjesečnim finansijskim izvještajima i drugim aktuelnim događajima.

Predsjednik Skupštine poziva predsjednika Nadzornog odbora da izvijesti o radu ovog organa.

- Predsjednik Nadzornog odbora, Nenad Novaković, navodi da je Udruženje u toku 2023.godine radilo u skladu sa Statutom i važećim zakonima. U ime Nadzornog odbora izražava zadovoljstvo radom Udruženja, posebno jer je vidljiv napredak u finansijskom smislu u odnosu na prethodne godine, što je omogućilo da se u 2023.godini izvrši raspodjela naknada nosiocima prava. Ovaj organ je aktivno pratio rad Udruženja. Nadzorni odbor je imao jednu sjednicu u toku 2023.godine, te jednu u januaru 2024.godine. Ovom prilikom je ustanovljeno da je djelovanje Udruženja kroz Skupštinu, Upravni odbor i Stručnu službu u potpunosti u skladu sa Statutom i zakonskom regulativom.

Predsjednik Skupštine poziva direktoricu Stručne službe da predstavi Godišnji izvještaj kroz najbitnije stavke.

- Alisa Hadžić je predstavila rad Stručne službe i poslovanje Udruženja kroz teme:

1. Obavljanje poslova kolektivnog ostvarivanja prava

Sklapanje ugovora o prijenosu neisključivih prava korisnicima

Naplata naknade za korištenje autorskih djela

Raspodjela naplaćenih naknada

Pokretanje i vođenje postupaka zaštite kod sudova i drugih državnih organa

Sklapanje ugovora sa stranim kolektivnim organizacijama

Druge aktivnosti koje su povezane s kolektivnim ostvarivanjem prava

2. Finansijski izvještaj za 2023.godinu

Prihodi i rashodi

Ostvarenje Finansijskog plana

Analiza ostvarenih prihoda

*Skupština je jednoglasno usvojila Godišnji izvještaj Udruženja za 2023.godinu.*

*Predsjednik Skupštine nalože da se Godišnji izvještaj objavi na zvaničnoj web stranici Udruženja.*

#### **Ad.8. Odluka o usvajanju troškova u 2023.godini**

U skladu sa preporukom Instituta za intelektualno vlasništvo iz izvršenog nadzora, troškovi rada Udruženja se usvajaju zasebno. Troškovi u 2023.godini, zaključno sa 31.12.2023.godine, su bili u okviru planiranih (realizovano je predviđenih pojedinačnih 97,31% troškova). Međutim, zbog nižih prihoda nego što je planirano, postotak troška je veći od 30%.

Ukupni planirani troškovi poslovanja u 2023.godini iznose 64.505,88 KM i njihova specifikacija je dostavljena članstvu. U realizaciji troškova u nekoliko kategorije je došlo do blagog prekoračenja kao što su: „Troškovi uposlenika“, radi troškova prevoza na posao, „Troškovi službenog puta“, radi odlazaka na sastanke u Mostar po pozivu Instituta, „Troškovi naknada spoljnim saradnicima“ i „Troškovi

održavanja i nadogradnje softvera“, radi raspodjele koja prvobitno nije planirana za 2023.godinu, te „Troškovi reprezentacije“ i „Drugi varijabilni i nepredviđeni troškovi“, radi ponavljanja sjednice Skupštine u junu 2023.

*Skupština je jednoglasno usvojila troškove rada Udruženja i odobrila njihov procenat preko 30%.*

#### **Ad.9. Odluka o korekciji Finansijskog plana za 2024.godinu**

Udruženje Original je u skladu sa Zakonom o kolektivnom ostvarivanju autorskog i srodnih prava na sjednici Skupštine koja je održana 27.06.2023.godine usvojilo Finansijski plan za 2024.godinu. Kako se u prvih 6 mjeseci 2024.godine uočilo da postoji potreba za korekcijom, Upravni odbor je zajedno sa računovodstvom uradio analizu Finansijskog plana te predložio izmjene.

Izmjene se odnose na prihode i rashode. Na rashodovnoj strani su napravljene određene korekcije u smislu umanjenja troškova u pojedinim kategorijama. Korekcije na strani planiranih prihoda su posljedica niže naplate prihoda u odnosu na očekivanu u obje kategorije korisnika.

*Skupština je je jednoglasno usvojila prijedlog korekcije Finansijskog plana za 2024.godinu.*

#### **Ad.10. Odluka o usvajanju plana troškova za 2025.godinu**

U skladu sa zahtjevom Instituta za intelektualno vlasništvo da se troškovi kolektivne organizacije usvajaju zasebnom odlukom, informiše se Skupština da je ukupno planirani iznos troškova u 2025.godini 64.924,00 KM i čini 34,53% planiranog prihoda.

*Skupština je jednoglasno usvojila troškove rada Udruženja i odobrila njihov procenat preko 30%.*

#### **Ad.11. Odluka o usvajanju Finansijskog plana za 2025.godinu**

Finansijski plan Udruženja Original za 2025.godinu sačinjen je na bazi ostvarenih prihoda i troškova u 2024.godini, kao i na osnovu plana aktivnosti Udruženja za 2024. i 2025.godinu.

Udruženje će prihode od naknade koja se plaća pri uvozu ili prvoj prodaji uređaja za fotokopiranje i prihode od naknade od izrađenih fotokopija planirati u istom iznosu u odnosu na prošlogodišnji plan kako slijedi:

- Prihod od naknade koja se plaća pri prvoj prodaji ili uvozu novih uređaja za fotokopiranje: 180.000,00 KM
- Prihod od naknade od izrađenih fotokopija namijenjenih za prodaju, koju plaćaju fizička i pravna lica koja uz naplatu obavljaju usluge fotokopiranja: 8.000,00 KM

**Ukupno prihodi: 188.000,00 KM**

Na osnovu analize troškova nastalih u pet mjeseci 2024.godine kao i na osnovu planova rada i aktivnosti za 2025.godinu, planirani troškovi u 2025.godini iznose 64.924,00 KM i čine 34,53% planiranog prihoda. Udruženje na više nema dugovanja po osnovu pozajmica i kamata i nije planirano novo zaduživanje. Udruženje će nastaviti izmirivati i sve obaveze koje nastanu kao rezultat planiranih aktivnosti, vodeći se načelima efikasnog poslovanja s ciljem da novčana masa za raspodjelu nosiocima prava bude što veća.

U 2025.godini je planirana raspodjela za 2024.godinu.

Prijedlog Finansijskog plana za 2025.godinu je dostavljen svim članovima u materijalu za sjednicu Skupštine.

*Skupština je jednoglasno usvojila Finansijski plan za 2025.godinu. Predsjednik nalože da se isti objavi na zvaničnoj web stranici Udruženja.*

#### **Ad.12. Odluka o imenovanju Predsjednika Udruženja (mandatni period juni 2024 - juni 2028)**

Organi Udruženja su imenovani prije četiri godine, i ovom sjednicom njihov mandat ističe. Stoga su Pozivom za kandidaturu u organe Udruženja (upućen svim redovnim članovima 30.04.2024.godine)

otvorene sve pozicije za sve organe. Prvi izbor se vrši za Predsjednika Udruženja. Svoju kandidaturu je dostavio Goran Simić, kao jedini kandidat.

*Skupština je jednoglasno prihvatila kandidaturu Gorana Simića za poziciju Predsjednika Udruženja za mandatni period juni 2024 - juni 2028.*

**Ad.13. Odluka o imenovanju Predsjednika Skupštine Udruženja (mandatni period juni 2024 - juni 2028)**

Drugi izbor se vrši za Predsjednika Skupštine. Pozivom za kandidaturu u organe Udruženja (upućen svim redovnim članovima 30.04.2024.godine) svoju kandidaturu je dostavio Nenad Novaković, kao jedini kandidat.

*Skupština je jednoglasno prihvatila navedenu kandidaturu za mandat Predsjednika Skupštine na mandatni period juni 2024 - juni 2028, te je razriješen funkcije Predsjednika Skupštine Budislav Vojinović.*

**Ad.14. Odluka o imenovanju članova Upravnog odbora (mandatni period juni 2024 - juni 2028)**

Izbor za članove Upravnog odbora je izvršen prema dostavljenim kandidaturama:

Đana Kukić, Milan Cvijetinić, Naida Vidović, Emir Hadžić, Lamija Milišić, Goran Samardžić, Nenad Novaković\*

Ukupno je dostavljeno 7 prijava, a bira se 5 članova Upravnog odbora. \*Kandidat Nenad Novaković koji je prethodno izabran za predsjednika Skupštine ne može biti biran u Upravni odbor.

Rezultat glasanja je sljedeći:

Đana Kukić: 8

Milan Cvijetinić: 6

Naida Vidović: 7

Emir Hadžić: 8

Lamija Milišić: 5

Goran Samardžić: 6

Nenad Novaković\*

*Razrješavaju se funkcije članovi Upravnog odbora Udruženja: Damir Uzunović, Goran Samardžić, Predrag Bjelošević, Naida Vidović i Emir Hadžić.*

*Imenuje se Upravni odbor u sastavu: Đana Kukić, Milan Cvijetinić, Goran Samardžić, Naida Vidović i Emir Hadžić na mandatni period juni 2024 - juni 2028.*

**Ad.15. Odluka o imenovanju članova Nadzornog odbora (mandatni period juni 2024 - juni 2028)**

Kandidature za članove Nadzornog odbora su dostavili:

Milan Cvijetinić\*, Damir Uzunović, Goran Samardžić\*, Nenad Novaković\*, Lamija Milišić i Elvis Ljajić

Ukupno je dostavljeno 6 prijava za 3 člana Nadzornog odbora. \*Kandidati koji su prethodno izabrani za pozicije predsjednika Skupštine ili člana Upravnog odbora, ne mogu više biti kandidati za Nadzorni odbor. Stoga su kandidati za Nadzorni odbor Damir Uzunović, Lamija Milišić i Elvis Ljajić.

*Razrješavaju se funkcije članovi Nadzornog odbora Udruženja: Nenad Novaković, Milan Cvijetinić i Lamija Milišić.*

*Skupština jednoglasno imenovala novi Nadzorni odbor u sastavu Damir Uzunović, Lamija Milišić i Elvis Ljajić na mandatni period juni 2024 - juni 2028.*

Predsjednik Skupštine čestita novom sastavu organa Udruženja Original i želi im uspješan rad.

U narednom periodu se nalaže da se izvrše izmjene u registru udruženja kod Ministarstva pravde BiH.

Zamolilo je predsjednika da se obrati.

Goran Simić, predsjednik Udruženja, zahvaljuje na ukazanom mu povjerenju, te naglašava da je jako sretan što će nastaviti raditi kao predsjednik Originala i direktno učestvovati u njegovom daljem rastu i razvoju. Izražava zadovoljstvo što Original osim vizije, danas – 8 godina nakon osnivanja - ima konkretne planove i programe rada. Želi svu sreću novoizabranim organima Udruženja.

#### **Ad.16. Odluka o izmjeni člana 25. Pravilnika o raspodjeli**

U skladu sa usvojenim izmjenama Statuta po pitanju roka za raspodjelu i isplatu, Upravni odbor predlaže izmjenu člana 25. Pravilnika o raspodjeli i to tako da glasi:

*„Isplata naknada nosiocima prava se vrši jednom godišnje i to najkasnije do 31. decembra tekuće godine za prethodnu godinu“.*

*Skupština je je jednoglasno usvojila prijedlog izmjene Pravilnika o raspodjeli.*

#### **Ad.17. Odluka o usvajanju Izvještaja o raspodjeli za periode 2018-2019 i 2020-2022**

U 2023. godini je usvojen Godišnji plan raspodjele periode 2018-2019 i 2020-2022. Ukupno naplaćena autorska naknada, nakon odbitaka troškova rada Udruženja i vraćanja ostatka pozajmica i kamata, kao i svih potrebnih fiskalnih odbijanja u skladu sa važećim zakonima, raspodjeljuje se nosiocima prava. Ukupni iznos predviđen za raspodjelu u 2023. bio je 80.000,00 KM (osamdesethiljada konvertibilnih maraka).

Raspodjela je finalizirana u decembru 2023. godine, nakon čega je počela isplata.

Svi iznosi koji su ispod utvrđenog minimalnog iznosa za raspodjelu ostaju vezani za ime nosioca prava i biće pridruženi iznosima koje u narednim raspodjelama pripadnu tom nosiocu prava. Raspoređena a neisplaćena sredstva koja su rezervisana po ovom osnovu iznose ukupno: 17.040,65 KM.

Ukupan iznos za isplatu za autore bio je 36.000 KM, a za izdavače 36.000 KM.

Predsjednik Skupštine podsjeća da je detaljni izvještaj dostavljen u materijalima za Skupštinu.

*Skupština je jednoglasno usvojila Izvještaj o raspodjeli za periode 2018-2019 i 2020-2022, a Predsjednik je naložio da se isti objavi na zvaničnoj web stranici Udruženja.*

#### **Ad.18. Odluka o usvajanju Godišnjeg plana raspodjele za 2024. godinu**

Raspodjela je planirana u 2025. godini, te u skladu sa Statutom Udruženja i važećim zakonskim odredbama, Skupština treba usvojiti plan raspodjele. Godišnji plan raspodjele je usklađen sa Pravilnikom o raspodjeli.

Prijedlog Godišnjeg plana raspodjele je dostavljen svim članovima u materijalima za sjednicu Skupštine. Predsjednik Skupštine poziva članove da daju komentare ili dodatne prijedloge. Obzirom da komentara ili prijedloga nije bilo, predsjednik stavlja na usvajanje Godišnji plan raspodjele.

*Skupština je jednoglasno usvojila Godišnji plan raspodjele za 2024. godinu. Predsjednik nalože da se isti objavi na zvaničnoj web stranici Udruženja.*

#### **Ad.19. Odluka o prijemu u članstvo novih članova po pristiglim Pristupnicama**

Prema odredbama Statuta, redovnim članom može postati isključivi nositelj prava na naknadu za privatnu i drugu vlastitu upotrebu djela, bez obzira da li je fizičko ili pravno lice, a koji je povjerio Udruženju ostvarivanje svojih prava zaključivanjem ugovora – pristupnice. Odluku o prijemu u članstvo donosi Skupština Udruženja u skladu sa odredbama Statuta i Pravilnika o radu Skupštine. Udruženje ne može odbiti zahtjev za članstvo iz oblasti svoje djelatnosti (kolektivno ostvarivanje prava na naknadu za privatnu i drugu vlastitu upotrebu pisanih djela), osim ako je nosilac prava već sklopio ugovor za kolektivno ostvarivanje svojih prava u BiH, iz oblasti djelatnosti Udruženja, sa stranom kolektivnom organizacijom.

U periodu između dvije sjednice Skupštine pristigle su 3 pristupnice za koje se konstatuje da su uredno popunjene. Pristupnice su dostavili sljedeći autori: Omer Merzić, Hasnija Muratović i Stevo Pašalić.

Skupština je jednoglasno odlučila o prijemu u članstvo navedenih članova.

**Ad.20. Ostala pitanja**

Predsjednik Skupštine poziva prisutne da delegiraju druga pitanja ili prijedloge.

Dodatnih pitanja ili tema nije bilo.

Nakon što su se iscrpile sve tačke Dnevnog reda, Predsjednik Skupštine zaključuje sjednicu.

Sjednica Skupštine Udruženja Original je završena u 18:30h.

**Zapisničarka**



Alisa Hadžić

**Ovjerivači zapisnika**



Budislav Vojinović  
predsjednik Skupštine Udruženja



Goran Simić  
predsjednik Udruženja

**Sarajevo, 25.06.2024.**

**Broj: RS/01/24**